

Alegria y Fantasía

Proclamacion di Prins & Pancho di Carnaval 2000

Ami..., Prins Dede Pikiña
Marisaca di Papión y vecindario
Prefecto di Sta. Martha
Hefe di estado mayor di Santa Cruz

y
Pancho Mayor di tur Alto Comisionado di Mahuma
Conde consorte di Yukuri
Consul de Primera di Macuarima

Dos dirigente capacita y di bon nivel studiá y bakeá den rapport di calidad Carnavalesco. Elegí unánime den eleccion y consulta general di Aruba su Carnaval 46.

CONSIDERANDO:

Cu Aruba pa 46 aña ta dunando mundo muestra di un Carnaval di nivel máximo y di fama internacional indiscutibel, sobresaliendo pa su beyeza, luho, creatividad y fantasia, ta proclamá cu:

1...Entrante awe e administracion central di Carnaval lo situá na Radio Centro y nos lugar di direccion Carnavalesco lo ta Canal 90.

2...Como cu nos radar ta draai den bashí pa hopi aña, lo kita e bala y instalá na dje cantidad di schommel pa muchanan usé como cabayito.

3...Ya cu servicio di "Call back" ta generá hopi placa pa companianan stranhero riba nos isla, lo instalá na Setar un servicio "Payback" pa comunidad generá su placa di belasting cu Gobierno no kier paga.

4...Tur especialista profesional cu of sin trabao, lo ricibí durante temporada di Carnaval, un fondo pa establecé nan mes den exterior pa practicá e profesional di "Oorsnijder" of "Hoorzetter."

5...Ya cu e cantidad di impuesto y tax cu biahero nan mester paga ta impedí nos comunidad Carnavalesco di biaha pa exterior, lo cambia nomber di nos Airport pa Spaarpot.

6...Pa yuda Arubianonan sin trabao nos Gobierno Carnavalesco lo introducí huntu cu Onderstand, un Bovenwaterstand pa nan por mantené cabez riba awa.

7...ya cu Gobierno anterior a bin cu ley pa prohibí "glas getint", nos Gobierno lo introducí tambe ley pa prohibí "tayó getint."

8...Como cu e aparato pa blaas y controlá alcohol ta asina efectivo, segun su colorman, lo usa e aparato aki tambe pa controlá votadonan durante eleccion, pa sa kende a vota berde, geel, oranje of blauw.

9...Mirando e cantidad di yamadanan sin pia ni cabez cu ta ser haci diariamente na emisoranan, nos Gobierno di Carnaval lo introducí entrante awe, un impuesto di expresion pa yuda nos economia.

10...Como cu nos coordinadonan, conseheronan y ambtenaanan ta traha asina bon y nunca ta na trabao, lo ofrecé nan fin di luna riba nan salario, un asina yamá "afwezighheidsbonus."

11...Como cu tanto ta ser papiá di race track cu Aruba ta perde, nos gobernacion riba terreno habrí di Boca Mahos lo construí un pista special pa "careda di biná."

Tradicionalmente Prins y Pancho ta subsidiá nos mandatarionan saliente cu un compensacion Carnavalesco durante traspaso y e aña'ki a dicidí lo siguiente:

A - Nos gobernador durante e periodo aki ta haya encargo pa pasa Carnaval bao di minanan di Sero Colorado y studia si por organizá eleccionnan di Reina y concursionan musicla di Carnaval otro aña den e mina.

B - Nos Promé Minister t ahaya beca di nos administracion pa bai Hollywood pa pasa test pa hunga papel estelar den e secuela di e pelicula clásico "Quo Vadis"

C - Nos Minister di Finanzas ta haya encargo pa

durante Carnaval planta un mata di coco di Cuba den cada buraco di caminda y carreteranan di Aruba.

D - Nos Minister di Enseñanza ta bai pasa curso di Tae Bo pa mira si por introducí esaki na nos scolnan den aña escolar nobo.

E - Nos Minister di Transporte y Comunicacion ta haya encargo pa studia posibilidad pa construí un vierbaansweg transparente den laira entre California y Sero Colorado sin cu ta mishi cu flora ni fauna, ni awa, ni aire di nos isla.

F - E demas Ministernan lo haya estadia gratis na hospital y ricibí un transplante di curazón pa comprondé mihor kico ta biba den curazón di Carnavallistanan.

CONCLUSION:

Pa nos por keda mantené nos fama di e Carnaval mas "safe" na mundo y cu e pueblo ta colaborá inmensamente pa lucha contra tur maldad manera crimen, uso di droga, abuso di alcohol, maltrato di hende muher y di mucha, prevencion di malesanan contagioso y ta boga pa mantencion di respet, bon moral y decencia cu nos dignidad y cultura na promé lugar.

Pancho Mayor di Tur ta haya e encargo pa inmediatamente ehecuta e decreto aki y mandé pa fax. E-mail via Windows 2000 pa delaster skina na mundo manera el a ser formulá y presentá.

Firmá cu rabo di lagadishi y seyá cu wowo di shoko pa sabiduria riba Sero di Arikok, duná riba dia 20 dia di e di 2 luna di aña di Carnaval 46, 2000.

Prins
Dede Pikiña
Ricky Nelson
Pancho
Mayor di Tur
Lisander Besselink

Aruba Carnaval JUMP UP! 2000

AMSTEL

ARUBA AGENCIES N.V.
BEVERAGE WHOLESALE COMPANY

CUMpra UN CAHA DI AMSTEL Y GANA UN TICKET PA ARUBA'S TUMBA FESTIVAL!

CUMpra OF GANA BO T-SHIRT!

CUMpra UN CAHA DI AMSTEL NA CONSALES CASH & CARRY + Afl. 40,- MAS Y BO HAJA PARASOL Y 1 COOLINBAG EXTRA!

AMSTEL BEER

PINTA BO TRAILER Y GANA PREMIONAN ATRACTIVO!

PA MAS INFORMASHON: TEL.: (297) 823750, GUTENBERGSTRAAT # 2, O'STAD.